

會典

昏

官員昏禮

官員以七品自昏及為子孫主昏豫訪門第清白女年

齒相當者使媒氏往通言俟許男年十六以上女年

十四以上身及主昏者無替以上服皆可行下士庶人同

右議昏

納采諏日主人具書書辭隨宜請女為誰氏出並問

典禮備考

卷六

昏

一

生年月日別具昏者生年月日附於書使媒氏豫告女家屆日夙興以子弟一人為介公服侍於廳事主人公服奉書出西面授介再拜介避拜受書出如女家其日女氏主人設案於廟灑掃廳事待賓亦使子弟一人為擯公服以送賓至擯告主人如賓服出迎於門外揖入升堂賓左主人右入堂少深賓東面奉書致詞從者陳禮物於庭主人北面再拜受書賓避拜請退俟命擯揖賓歛於別室主人以書入詣廟陳於案上啟牘告事如常告儀乃具復書具女所出及

生年月日附於書擯延賓升堂主人奉書出西面授
賓再拜賓受書避拜授從者請退主人請醴賓賓禮
辭許饌者布席中堂賓東主西揖讓就坐進饌行酒
三巡賓興離席告退揖主人答揖送賓於門外如初
介還復命主人納書如授書儀禮介以家人之禮
右納采

納幣諏日具書備禮物一品章服一稱章如其品幣
表裏各七兩以製衣服繒帛七兩以製布七兩容飾合二
十事釵釧簪珥之屬二品至四品幣表裏各五兩繒帛五兩

典禮備考 卷六

昏

二

布五兩容飾合十有六事餘同一品五品至七品幣
表裏各三兩繒帛三兩容飾合十有二事餘同四品
媒氏預告女家屆日夙興主人遣使奉書及禮物如
女家女氏主人受書及禮物告廟具復書授賓醴賓
還復命主人禮介竝同納采

右納幣

昏期諏吉具書備禮物三品以上羊酒四品以下鵝
酒豫日主人遣使如女家女氏主人迎賓入窻致詞
請期主人辭遜賓乃奉書告期主人拜受具復書授

賓賓還復於主人皆如納幣儀

右請期

昏期前一日女家使人奉箕帚於婿室陳衾帷茵褥器用具至日婿家筵室中位東西向別設案於牖下陳壺一琖四合盃以割斲為二合四琖三酌之用設醮爵於堂下之東壺琖具初昏婿公服族於堂下有官者各以其服若其子孫則攝盛三品以上攝五品服五品以上攝七品服六品以下攝八品服儀從以如之婿馬一乘二燭前馬婦輿一乘或車隨宜檐蓋飾采絹垂流蘇五

典禮備考

卷六

昏

三

品以上前後左右各二六品以下前二後二均族於門外主人公服出醮子若自主昏則以有服尊長醮後做此位於堂東西面昏者升自西階再拜執事者升授爵昏者跪受卒爵反於執事者父命之迎應唯俯伏興降出乘馬執事隨以雁儀從在前婦輿在後如女家其日女父告於廟詞曰某之第幾女某將以今日歸某氏敢告餘如常告儀還醮女於內堂父東母西姆相女具服如飾服視婿之等出至父母前北面再拜侍者斟酒醮女如父醮子儀父訃女以宜家之道母為之整冠

裾申以父命女識之不唯婿既至主人迎於門外揖讓入婿執雁從入至廳事主人東階上西面婿西階上北面立奠雁再拜主人不答拜姆爲女加景蓋首出婿揖降女從主人不降送姆導女升輿二燭前輿婿乘馬先俟於門婦至降輿婿導升西階入室踰闕婿家布婿席於東御婿家布婦席於西婿婦交拜訖姆脫婦景媵御設匕箸醢醬婿揖婦就筵坐饌入卒食媵取琖實酒醑婿御取琖實酒醑婦三酌用盃卒醑婿出媵御施衾枕婿入燭出

典禮備考

卷六

昏

四

右親迎

厥明婦夙興盥漱櫛總以棗栗服脩詣舅姑室姆入設席於堂中爲位舅東姑西均南向舅姑卽席婦執筭實棗栗升自西階北面拜奠於席舅坐撫之婦興降階執筭實服脩升拜奠席姑坐撫之舅姑興入於室

右婦見舅姑

婦具酒饌設匕箸醢醬行盥饋禮舅姑就坐婦奉饌入獻舅姑視卒食乃酌酒醑舅姑送酒皆再拜舅姑

卒飲與乃共饗婦侍者布婦席於阼階上西向具酒饌設匕箸醢醢舅姑於堂中臨之婦卒食姑醢之婦拜受卒飲舅姑先降自西階婦降自阼階退饗婦送者男於外女於內酬以布帛

右婦盥饋舅姑饗婦

三日婦見於廟厥明執事者設饌具主人啟櫝陳主如常祭禮主人布席階下之東昏者在後主婦布席階下之西婦在後各就位再拜主人升上香獻酒讀告詞曰某之第幾子某今已昏畢率新婦見餘詞如

典禮備考

卷六

昏

五

祭式俯伏興退立於東婦進當中階下北面再拜興復位主人復位及主婦以下行再拜禮畢納主徹退若同居有尊者婦見如見舅姑禮見夫之伯叔母與舅姑同答以肅拜見娣姒小姑以夫之齒序拜皆答拜夫兄弟之子若女婦受拜答以肅揖

右廟見

廟見之明日昏者以贊

視分所應用

往見婦之父母主人

迎於門外揖讓入升堂奠贊壻北面再拜主人西面答拜請見主婦主婦立於門內壻立於門外再拜主

婦門內答拜出主人醴以一獻之禮

右壻見婦父母

士昏禮八品以下官同

納采諏日具書媒氏告於女家主人使子弟一人爲
介奉書如女氏女氏主人出迎賓揖讓入門升堂賓
東面致詞奉書主人西面受書再拜賓避拜請退俟
命主人使子弟待賓以書入告於寢如儀具復書出
授賓賓受書主人布席禮賓畢賓揖辭主人送之如
初介還復命主人拜受書禮介行家人禮諏日納幣

典禮備考

卷六

昏

六

具書備禮物章服一稱八品以下官如布帛各五兩

其品士視九品

容飾入事食品六器媒氏告於女家主人遣使奉書
物行禮女家受禮告寢復書禮賓賓復主人均如納
采昏有日主人備醵酒書昏期於東使媒氏奉如女
家告女氏主人報東授媒氏復昏前一日主人使人
以奩具張陳壻室至日壻家筵於室中位東西面別
以案陳合盃器設醮爵於堂東初昏壻攝公服竝於
堂下壻馬一乘二燭前馬婦輿一乘襜蓋前飾采絹
二竝於門外主人盛服醮子於堂東命之迎壻出乘

馬如女家雁及婦輿從其日女氏主人告於寢如儀
畢主人位內堂東主婦位內堂西父醮女如壻儀壻
至女家門外主人出迎壻執雁從入主人東階上西
面壻西階上北面奠雁再拜主人不答拜姆加女景
蓋首出壻揖降斂主人不降送姆導女升輿女家亦
以二燭前輿壻乘馬先俟於門婦至降輿壻導婦入
室踰闔勝布壻席於東御布婦席於西壻婦交拜訖
姆脫婦景壻揖婦卽席壻東婦西坐行合卺禮厥明
婦夙興俟見舅位堂東姑位堂西皆南向婦以贄見

典禮備考

卷六

昏

七

於舅姑再拜舅姑受贄婦具酒饌行盥饋禮舅姑就
位婦拜饌舅姑卒食一醕婦再拜送酒舅姑卒飲共
饗婦於阼階及饗婦送者均與官員禮同三日婦覓
祖禰於寢陳設如薦儀主人在東昏者從主婦在西
婦從參神再拜主人升詣香案前上香奠酒告畢俯
伏興退位於東婦進當中闌再拜興復位主人復位
及主婦以下皆再拜興禮畢退見祖禰之明日壻以
贄見婦之父母迎入奠贄再拜主人答拜見主婦壻
拜於寢門外主婦答拜於門內出主人醴壻皆如儀

庶人昏禮

庶人昏禮納采諏日書昏者生年月日以授媒氏奉如女家女氏主人受書告於寢書女爲誰氏所及生年月日授媒氏道遠具饌近則否媒氏復命主人禮之納幣備禮物服一稱用帛無章布五兩容飾六事或四事食品四器媒氏奉如女家女氏主人受之饗媒氏復命如納采禮昏有期備鶩書昏期於東使媒氏奉如女家告女氏主人許使媒氏復昏前一日女家使人以奩具陳於婿室至日婿家筵於室中東西

典禮備考

卷六

昏

八

爲位別以案陳合盞器設醮爵於廳事東序初昏婿盛服俟於階下婿馬一乘二燭前馬婦輿一乘檐蓋無飾竝於門外主人盛服至廳事東位西面婿升主人醮之命之迎婿再拜出乘馬如女家雁及婦輿從其日女家告於寢醮女以俟婿既至主人出迎於門外導入婿執雁從入升堂主人東階上西面婿西階上北面奠雁再拜婿加女景蓋首出婿揖之降女從降婿以女登輿二燭前輿婿乘馬先俟於門婦至降輿婿揖入室踰闕布席婿婦交拜訖婿脫婦景婿揖

婦就位坐婿東婦西行合卺禮婦夙興盛服以贊見
舅姑於堂拜獻如禮饋酒食於舅姑舅姑饗婦及婦
送者三日婦見祖禰於寢如堂薦禮明日婿往見婦
之父母婦父設酒食醴婿如儀